

## Af Schtälzan

Dh Maxl, koina va die Laonga,  
zöihgtse zwou-drei Bohmaschtaonga.  
wisaw van Naochban aas  
ud maochtse a poa Schtälzn draas.

Dös Gaonze wiad a bißl schief.  
Doch maochta nix, dh Max is wief.  
Laong braucht dea gaoua niat zprobiean,  
glei konna schou gaonz schäi maaschiean.

Boal schtälzta üban Moarktplootz hi:  
"Waale naa dh Graiße bi!"  
Schtolz schaouta oia af die Leit.  
Vaschtaihtse doch, dea haout saa Freid.

Waoua Fänsta offm is  
schaouta ai ud zöihgt a Gfrieß.  
Wos kümmtsn wenna nauchaschimpfm.  
Ea grinzt fräch ud tout dh Nosn rümpfm.

Daou! Waal aas Schtraoußnpflasta hail,  
rutschta wega ud tritt fahl.  
Natüarle haoutsnan eländ hea.  
Dh Schtältn döi flöing kreiz ud quea.

Dh Maxl rafftse tapfa zamm ~~ud-schtälzt-naou~~  
ud schtälzt naou ohne Schtälzn hoam.  
Greint: "Koi Sch- Scht- Schtälzn sch-schaoue nim-m-ma o-o-oh,  
b-is da-re wi-da sch-scht-schtälzn k-ko-oh!"